

Na osnovu člana 43. Statuta Dobrovoljnog vatrogasnog društva Zenica, Upravni odbor na svojoj 22. sjednici održanoj dana 25.01.2018. godine, donio je:

PRAVILNIK O DODJELI VATROGASNIH PRIZNANJA

I. OPĆE ODREDBE

Član 1.

Pravilnikom o dodjeli vatrogasnih priznanja i plaketa (u daljnjem tekstu: Pravilnik) utvrđuju se vatrogasna priznanja, te uvjeti za dodjelu i postupak dodjele.

Član 2.

Vatrogasna priznanja, povelje i plakete dodjeljuju Dobrovoljna vatrogasna društva Zenica (u daljnjem tekstu: Društvo) a uručivaju se povodom Dana DVD – 03.03. odnosno na obilježavanju godišnjice Društva.

Član 3.

Vatrogasna priznanja i plakete dodjeljuju se članovima Društva. Vatrogasna priznanja utvrđena ovim Pravilnikom mogu se dodjeljivati i vatrogasnim organizacijama, pravnim i fizičkim licima, te organizacijama i pojedincima drugih država, pod uvjetima utvrđenim ovim Pravilnikom.

II. VRSTE PRIZNANJA, POVELJA I PLAKETA

Član 4.

Vrste priznanja i plaketa na temelju ovog Pravilnika su:

- pohvala
- plaketa
- zahvalnica

POHVALA

Uvjeti za dodjelu su:

- opći doprinos razvoju i unapređenju vatrogastva i zaštite od požara,
- poseban doprinos unapređivanju vatrogastva i razvoj zaštite od požara u svojoj sredini,
- opće zasluge i izvanredni rezultati na organizacijskim, stručno - tehničkim, preventivnim, informativno-promidžbenim i drugim djelatnostima na unapređenju vatrogastva i zaštite od požara,
- isticanje ličnom hrabrošću i požrtvovnošću u akcijama gašenja, spašavanja i otklanjanja neposrednih opasnosti po život ljudi i imovine,

- dugogodišnji aktivan rad u Društvu,
- primjeran rad i zasluge u dobrovoljnoj vatrogasnoj jedinici.

PLAKETA

Uvjeti za dodjelu su:

- za svaki 5, 10, 20, 30, 40 i 50 godina aktivnog članstva u Društvu (operativni članovi).

ZAHVALNICA

Uvjeti za dodjelu su:

- za pomoć u radu Društva i njegovih članova, te doprinosa onih koji su bili ili su u drugoj kategoriji članova osim aktivnih (operativnih) članova.

III. UPUTSTVO ZA DODJELU VATROGASNIH PRIZNANJA

Član 5.

Dodjelu vatrogasnih priznanja predlažu vatrogasci odnosno aktivni (operativni) članovi Društva i organi uprave Društva.

Član 6.

Prijedlog za dodjelu vatrogasnih priznanja, predviđenih ovim Pravilnikom, podnosi se nadležnoj komisiji za vatrogasna priznanja navedenom u članu 2. ovoga Pravilnika.

Član 7.

Prijedlog se podnosi pismeno uz obrazloženje s konkretnim podacima o doprinosu, zaslugi ili rezultatima u smislu odredbi iz člana 4. ovoga Pravilnika.

Član 8.

Po odluci predsjednika Društva, zahvalnice i priznanja, vatrogasnim organizacijama i pojedincima iz drugih država, dodjeljuju se izvan navedenih kriterija u ovom Pravilniku.

Član 9.

Prijedlog za dodjelu vatrogasnog priznanja razmatra nadležno tijelo za dodjelu priznanja i rješava se najkasnije u roku od 15 dana po primanju tog prijedloga.

Ukoliko prijedlog ne bude dostavljena u roku navedenom, prijedlog će se u potpunosti odbaciti.

Član 10.

Postupak za dodjelu vatrogasnih priznanja i plaketa javan je u smislu Statuta Društva, a rezultati dodjele objavljuju se na način predviđen Statutom ili drugim aktom Društva.

Član 11.

Kandidat za dodjelu vatrogasnog priznanja i plaketa ne može aktivno sudjelovati pri donošenju odluke u dodjeli vlastitog priznanja.

Član 12.

Kad se u hitnim slučajevima dodjeljuje vatrogasno priznanje vatrogasnim organizacijama i njihovim članovima te organizacijama i pojedincima iz inozemstva, postupak se može voditi po skraćenom načinu dogovorom predsjednika, komandira, uz saglasnost predsjednika Komisije za dodjelu vatrogasnih priznanja s time da se naknadno o tom podnese izvještaj nadležnom tijelu.

Član 13.

Aktivnim radom u vatrogastvu smatra se rad od dana stupanja u članstvo dobrovoljnog vatrogasnog društva, uključujući i evidentirano i kontinuirano članstvo u vatrogasnom podmlatku od sedme godine života.

III. POSTUPCI I KRITERIJI DODJELE ODLIKOVANJA

Član 14.

Kriterij za dodjeljivanje vatrogasnih odlikovanja, koji je uključen u uvjetima člana 4. ovog Pravilnika upućuje na društveno-vatrogasno vrednovanje i isticanje postignutih zaista natprosječnih, posebnih, društveno-zapaženih, istaknutih, izvanrednih, dugogodišnjih, primjerenih ili sve općih doprinosa, rezultata rada, zasluga i drugih izuzetnih kvaliteta u zalaganju i uspjehu, čemu se ubraja i niz tradicionalnih vatrogasnih vrlina, kao što su pokazana hrabrost, požrtvovnost i primjerenost zalaganje tokom dužeg razdoblja.

Kriteriji se uvijek primjenjuju na konkretnu pravnu ili fizičku osobu, za konkretno djelo, doprinos ili zasluge.

Kriterij za dodjelu vatrogasnih priznanja nije redovna, rutinska ili uobičajena djelatnost, odnosno samo "učešće" u vatrogastvu i djelatnosti zaštite od požara.

Član 15.

Prijedlog za dodjelu vatrogasnih priznanja podnosi se na obrascu koji sadrži podatke o nositelju priznanja i razlozima dodjele priznanja (općem doprinosu, zasluge, akcije, rezultati, vatrogasnom stažu, učenički rad i sl.).

Jedna vrsta odlikovanja se može dodijeliti svako pet godina jednom članu Društva.

Član 16.

U dodjeljivanju odgovarajućih vrsta vatrogasnih priznanja primjenjuje se načelo redosljeda za odgovarajuću zaslugu, djelo, doprinos ili rezultat rada prema nositeljima i uvjetima dodjele iz člana 4. ovoga Pravilnika, poštujući kako razinu samih priznanja, tako i razinu subjekata dodjele priznanja.

Član 17.

Postupak za dodjelu vatrogasnih priznanja vodi nadležno tijelo za priznanja, kojeg imenuje Upravni odbor Društva.

Član 18.

Sredstva za izradu vatrogasnih priznanja osigurava Društvo.

Član 19.

Izuzetno, izvan okvira odredbi ovoga Pravilnika, prilikom održavanja jubilarnih i drugih značajnih vatrogasnih manifestacija, mogu se izdavati i dodjeljivati posebna vatrogasna priznanja i nagrade.

Član 20.

Pojedinci ili organizacije, kada izgube dodijeljeno vatrogasno priznanje, mogu podnijeti zahtjev nadležnom tijelu za vatrogasna priznanja za dodjelu drugog istovjetnog priznanja.

Nadležno tijelo uz provjeru podataka izdaje novo priznanje, uz naplatu troškova.

IV. PRIJELAZNE I ZAVRŠNE ODREDBE

Član 21.

Ovaj Pravilnik stupa na snagu i primjenju danom donošenja.

Broj: 01-15/18
Zenica, 25.01.2018. godine

P R E D S J E D N I K

Serdarević Ibrahim, dipl. ing.